



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De commendatione cellæ & solitudine. VII.

[urn:nbn:de:hbz:466:1-45790](#)

## CAPVT VII.

*De commendatione cella & solitudinis.*

1. **Q**ui cellam amat, & libet in ea commoratur, à multis peccatis & temptationibus custoditur. Quanto studiosius inhabitatur, tanto plus placet & amatur. Quanto negligentius seruitur & rarius intratur, tanto magis horretur & fastidit. Bene illi, qui eam diligit & incolit, quia vncio spiritus eum docebit. Beatus, cui inhabitare cellam donatum est; & qui usque ad terminum vite sue in ea perseverat.

2. Vnde illi, qui leui occasione eam deserit, & cui extra manere placet; quia citò seducetur, & capietur, & laedetur. Multi, quia eam studiosè non custodierunt, per varias occasionses inter seculi actiones proiecti sunt, & male perierunt. Heu, quod tamdiu in ea perseverare nequimus, donec fructum maturum ex ea percipiamus. Sic se homo deberet tenere, quasi quotidie iturus in sepulchrum. Nam tali homini non est cella fastidium, sed pacis domicilium. Et sicut stabili homini cella est paradisus, ita vago carcer videtur & cippus. Bonum tamen est & laudabile, si quis velit ibi propter Deum libenter incarcерari. Nam plures sancti martyres propter Iesum incarcерati & vincti fuerunt. Elige ergo ibi sponte ligari, ut sanctorum meritis possis coquari. Liget te potius timor Dei, quam ferrum; & charitas magis, quam indicta necessitas. Si nouus amor, saltem timor Dei te coereat. Non es male ligatus, si timore inferni compunctus, pro peccatorum tuorum poenitidine te inclusaris. Male ligati sunt, qui corde & corpore euagari querunt. Bene ligatus est, qui Deo professus est, & extra cellam ire inclinatus non est. Si vis in ea durare, minquam sis otiosus.

3. Acedia & otium, expellunt monachum verbosum de cella. Amans silentium & operans cum quiete, bonus erit custos cellarum. Si tandem passus fueris, pro Christo agoniza, nec patiaris te expelli ex leui causa. Si manus stabilis, citò vertetur carcer tuus in paradisum voluptatis. Sancti in carcerebus pro Christo detenti, ab angelis sanctis frequenter sunt visitati, & abundantius consolati. Tu quoque, si te in cella patienter pro Christo clauseris, veniet tibi citò (Deo miserante) lumen exaltus, bona conscientia gaudium, & magnum spiritualis profectus lucrum. Qui in cella residet, à multis periculis liber est. Qui foris vagatur, innumeris periculis patet.

4. Bona cellæ nequeunt sufficienter explicari, sicut nec detrimenta extravagantium. Custos cellæ custos est lingue, non audit detractiones, non percipit rumores, non videt vanitates, non

trahitur

Qq 2



trahitur ad levitatem. Bonus cellita aut legit, aut orat, aut geminat, aut meditatur, aut scribit, aut corrigit libros, aut aliquid aliud boni operatur. Bonus cellita cuius est celum, amicus Dei, socius beatorum Angelorum, cognitor secretorum, inspecto supernorum, viator tentationum, expulsor demonum, bellator virorum, contemptor mundanorum, neglector curarum, possessor quietis, obtentor pacis, amator scripturarum, speculator veritatis, gustator puritatis, continuator orationis, collector sancte meditationis, & destructor omnis euagationis. Cogita Deum & eum solum esse in mundo, & habebis magnam requiem in corde tuo. Memento, quia angelus inuenit Mariam in camera sua orantem, non foris cum hominibus loquentem. Non qui appetit cælestia secreta cognoscere, oportet eum ab hominibus elongari. Sicut enim Moyses fecit, qui relicet hominum turbis mansit solus cum Domino in monte, ut legem Domini suscipere mereretur. Haec quandoque perlege, ut dulcescat tibi inhabitatio cellæ.

Luc. 2.

Exod. 19.

## CAPVT VIII.

*De choro & diuino officio peragendo.*

**C**Horus est Dei & sanctorum angelorum locus sacratus, unde diuinum agitur officium presentibus Ecclesiæ ministris, con reverentia & devotione psallentibus. Sicut angeli in celo, sic religiosi ordinati sunt in choro. Opus Angelorum est, Deum semper laudare; opus religiosorum est, intenta mente psallere & orare. Sic ita in choro & canta, quasi in medio angelorum stares. Recordare dilecte Domini tui IE 3 V in praesepio iacentis, aut in cruce pendentis, aut in celo ad dexteram Patris sedentis, tanquam coram assisteres & cantares. Ipse sit in corde tuo & in labiis tuis, pronunciandum aperte & distincte verba Spiritus sancti, cum opere & arte diuinum officium ordinatum est. Statue IE VM ad dexteram tuam, & MARIAM ad sinistram, & omnes Sanctos circuitu eorum.

2. Omnes fratres tui sint tibi tanquam angeli Dei. Et cum quibus nunc psallitis in terris, spera etiam te cantaturum in celis. Vix pura & conscientia libera gaudet in diuinis. Vagus & tepidus homo cum rædio psallit & somno. Si viceris acediam, & cor ab euagatione restrinxeris, viam devotionis paras, & semper in fine gaudebis. Multæ curæ suslocant verbum Dei, & longæ locutiones faciunt distractionem mentis. Quicquid homo antea exercet hoc sibi frequenter postmodum in oratione occurrit. Inimicus illuc non vadit, nisi ut zizania superseminet. Devotus choralis soli Deo & sibi intendit, tanquam in cœlesti chorum translatus & eleuatus esset.

§. II.

